

懷慶府志卷之二十四

人物志

列女

周

聶嫫軹人聶政姊政刺殺俠累韓暴其屍於市購問
莫知誰嫫往審視乃伏屍哭曰是軹深井里聶政也
以妾在故重自刑以絕蹤妾奈何畏誅沒賢弟名乃
呼天悲哀遂死政旁

史記

漢

河內女子宣帝時河內女子發老屋得逸易禮尚書

各一篇奏之

王充
論衡

三國魏

常林妻林溫人性好學爲諸生帶經耕鋤其妻嘗自

餽餉之雖在田野相敬如賓

三國魏志

晉

韓氏懷人山濤妻濤與阮籍嵇康友善韓覺濤與二

人異於常交問濤濤曰我當世可與爲友者惟此二

生耳韓曰負羈之妻亦親觀狐趙窺之可乎他日二

人來穿墉視之濤入曰何如曰君才致殊不如正當

以識度相友濤曰伊輩亦以我度爲勝

世說

唐

王琚母琚爲中書侍郎母居洛陽來京師讓琚曰爾

家上世皆州縣職今汝無攻城野戰勞以諂佞取容
海內切齒吾恐汝家墳墓無人復掃除也琚卒不免

唐書王
琚傳

鄭氏河陽中書舍人韓會妻愈之伯嫂也愈生三歲
鞠育於鄭情若所生會後死遷所鄭扶柩歸葬又就
食江南皆攜愈以行教誨婚娶恩義甚篤艱苦守貞
垂三十年其亡也愈服期以報焉

摘祭鄭
夫人文

韋氏河陽殿中侍御史韓弇妻年十三適弇生一女
纔七月而弇沒於吐番韋年僅十七母旣前卒廼以
其女歸於其父弗數年其父又卒泣血食貧養其子
有道自慎於嫌節行愈高有董氏姊繼衣食之數年

姊又卒于是無所歸從父弟愈乃以其女子歸于隴

西李翱韋從其女依李以終

摘李翱墓志銘

趙氏女山陽人父盜鹽當論死女詣官訴曰迫饑而盜救死耳情有可原能原之耶否則請與俱死有司義之許減父死女曰身今爲官所賜願毀服依浮屠以報卽截耳自誓持父疾卒不嫁

唐書列女傳

裴氏父儆武陟人儆辟劉悟府悟奇之故爲子從諫納其女氏年十五火光起桂下家人以爲怪因許昏封燕國夫人寬厚有謀再勸從諫入朝爲子孫計從諫有妾韋願封夫人詔許之裴曰君承朝廷姑息宜自黜削求洗濯欲以婢爲夫人族不日滅耳從諫報

然止

藩鎮傳

宋

李氏張旨妻河內人旨遊學數年不返家人欲嫁之

李竟守節而死旨貴事聞詔建坊旌其節

舊志

元

韓氏薛世榮妻河內人世榮歿時年二十一守節至

七十八而卒至元五年旌其門

何志

馬氏女名英河內人父喪哀毀二兄繼歿英獨事母

甚謹奉二寡嫂與居使得保全養節及喪母卜地葬

諸喪親負土爲墳手植松柏廬墓終身

元史列女傳

劉氏孟縣人張中順妻夫遠行十年不返壘中豪數

使人給之曰中順亡矣當擇富貴者嫁之氏曰夫果
不還願以死守況存亡未可必乎有男子寄夫信到
坐其炕側及去乃鬪炕由是人無敢言者又五年中

順顯仕還鄉劉年三十有三

何志

胡氏陳寬甫妻武陟人年十五適陳氏孝事舅姑年
三十三夫亡一子在襁褓撫育成立年九十詔旌其

門

通志

馬氏孟縣都水庸田使禿堅叔政之妻也年二十九

夫亡子少守志靡他時兵寇騷動馬攜子潛匿他所

雖流離茹苦終不廢教訓四十餘年人無間言

舊志

善烈婦名茶汾州達魯花赤善壽妻也懷孟路人世

變其夫憂憤而卒烈婦見夫亡遂自殺傍人持救之
因號慟不自勝語人曰妾不幸遇愷亂奔走南北夫
亡子幼萬一受辱將何面目見吾夫於地下乎遂不

食死

舊志

盧氏王傑妻溫縣人傑沒氏年二十志行貞潔終始
如一至元五年旌其門

何志

何氏懷孟人夫卒守節養舅姑既歿親負土築墳高

三丈餘

何志夫
姓氏失載

程氏閔本妻河內人並本二女

詳見
忠傳

和氏蕭瑀妻武陟人瑀以居喪羸癯卒傳見孝義氏

年二十慟不欲生未幾亦亡

舊志

王節婦懷慶人陳旅題詩云良人飄泊渺烟鴻窻竹
寒砧兩淚紅檜楫不遊淇水上柏舟仍見衛風中龜
文屈曲秋機斷鸞影低徊曉鏡空贏得各公寫旌表
千年光燄吐晴虹

按詩首句是其夫遠遊不歸而婦守節以終者王
之名與婦之氏俱無可攷故仍陳旅安雅堂集而
概之曰王節婦或卽疑是題
王傑妻盧氏之詩似未可從

明

按懷郡自明迄今隸屬相近舊志所載列女視往
代爲詳而世次易淆著籍多混茲增以採訪所得
去其蕪辭畧爲編次
庶覽者易考云爾

趙烈女河內人許字王錦未婚而錦卒或勸他適不
從葬錦畢以女紅養姑姑卒遂自經死侍郎何塘有

傳世宗賜以詩俱見藝文

以下節烈

趙氏李宏妻正德辛未爲流寇所掠拒賊被殺

沈氏盛越妻正德間爲寇所掠投火死

按李宏盛越俱懷慶屯軍見
婁樞十四節婦傳諸志失載

郝氏庠生劉森妻森力學病死氏每哭輒嘔血家人
爲延醫辭曰前欲卽死不得今復何心求活病革殮
衣皆令縞素曰乃瞑

竇氏庠生張國士妻夫亡哀號擗踊自抉其面是夜
縊死時值酷暑忽晝晦寒風颯颯比殮顏色如生鄭
恭王以聞詔旌之

宋氏李如鳳妻鳳無子勸使納妾不從宋愀然曰我

不死夫必不娶是我絕棄嗣也遂自縊死

吳氏女幼字蔡氏子未婚而婿殤女號泣不食縊服自縊死詔旌之

丹貞女幼許字庠生買一葵未娶而葵卒女悲痛奔喪願紡織事姑姑卒哀毀絕食而死詔旌之

尙烈女幼許字唐宦庶子七及笄七死女縊經赴弔輒留侍姑時佩魚刀自衛其嫡兄唐某謀吞七產不

利女貞以蜚語誣女及女兄邦才又賂趙推官嚴拷

邦才勒女歸女投繯死之

蕭瑞苞曰古人云窮乃見節義人生不得已而以節

義見此亦遭逢之不幸已若夫同一死也或死而名播天聽或死而泯沒草野則節之中又復有幸不幸焉河內節烈女子有明二百七十餘年以趙氏女尙氏女爲之最二人者未謀夫面同事姑純孝同以身

殉節同趙女幸而於公道著明之際其夫王鉞
者以柏齋先生爲之友有司題請甚力當時建祠祀
焉尙氏女死而有不可割者爲之梗雖人無不高其義
痛其沒而女戴盆無以望天遂使芳名落漠于百年
老聞有忠者新期感憤於遭逢之尤不幸也女爲吾
鄉尙邦才之妹幼字於唐通判之子將笄而夫天赴
爭淳血願留侍其姑尋其夫之嫡兄甲者鄙人也見
庶母有子婦歡娛之且睥睨女貲產遂羅織女兄邦
才託居間者厚賂趙司理勒女復歸女不得辨遂自
經善乎明世宗之挽趙氏女也曰白首猶難持挽節
青年誰肯負春光盡之矣觀趙女之孝以事如初志
亦與趙同不幸而遇嫡兄之不義司理之不廉留則
不能歸則不可遂以一死謝之當時卽有爲女表揚
者趙司理護前非再入唐甲金多方離之故其各
不傳雖然蘭生幽谷不以無人不芳傳不傳于女乎
何憾第忠孝節義人心同然嫡兄何獨無人心也余
又聞趙理以遷法途中救溺甚慘其居間者無故
大呼發狂以刀自刺死唐甲後貧困子女皆鬻爲奴
婢鳴呼其遺書三
亦何畏哉

婁氏高俊如妻河內人俊如天氏絕粒而死

傳氏張鳴鳳妻夫亡守節流寇陷清化被執氏大罵賊生斷其軀爲三

王氏鄒思輝妻繼早亡氏年十八毀容自誓會闖寇肆掠偪氏氏夫罵死之

李氏趙獨遇

遇一作愚

妻獨遇署孟縣訓導會流寇陷孟

李義不受辱身被數創投井死

劉氏王允興妻興亡氏守節寇亂不屈死

劉氏王蔭興妻夫歿矢節遭亂罵賊死

史氏蕭友楠妻夫歿氏年十七守節割股療姑病值流寇肆掠義不受辱自縊死

王氏孫拱宸妾宸歿年十六遇寇亂被掠給寇曰家

有藏金可還取也縣家前拱宸樞再拜辭又給寇曰
金在井及井作指顧賊寇方張皇左右望氏遂厲聲
罵賊投井死

王氏范克愚妻闖寇陷懷氏登樓自縊以救不卽死
絕食七日而卒

陳氏任九敖妻敖卒值寇亂與二孫女皆以石繫腰
投水死

潘氏柯炳若妻炳若任霍邱訓導逆闖攻霍邱城陷
罵賊死之潘亦自縊以殉

李氏張文粹妻父其芬被寇執去氏投小丹河死之
翌日家人覓得氏屍屍猶在抱

李氏父國榮及并宋字遭寇逼之不從罵不絕口
因判體數段而死

尋氏李繼先妻河內人繼先卒遺孤曰大長娶馬氏
大亦早亡馬依姑撫其子忠忠長娶路氏未幾忠又
卒一門三世皆少寡苦節

節孝

孫氏歲貢李其芬妻崇正五年流寇肆掠母年九十
餘夫妻被之夜行中途遇寇索金不得縛芬去氏身
被五創至夜乃甦猶負姑歸

宋氏甯欽妻欽卒無子宋年二十九守節三十餘年
韓氏殷海妻夫亡撫幼子事舅姑守節終身

周氏張瑛妻夫亡撫幼子事舅姑守節終身

蔡氏嬰挫妻陞王蔡年二十五矢志撫孤值大饑人
相食或勸改適以活其子蔡曰寧死不忍偷生守節
四十餘年

燕氏河內庠生母宜妻燕鳳翔人隨父教授懷慶適
宜宜亡子孫繼歿苦節終身

王氏趙威妻威亡王年十九子祐甫半歲王奉姑撫
子苦節終身

張氏劉素妻素亡撫遺子守節終身

姜氏王昇妻昇以手刈操備宣府病卒子俊在抱一
無親族姜守節撫孤俊後亦居官稱職

屈氏閻亨妻適亨半載亨卒撫遺子成立及子孫蕃

循謀欲旌其節屈不從曰我守節本分事也人尤賢之

畢氏張世安繼妻世安亡氏年三十一無子頻遭歉歲茹草根樹皮不淪其志苦節六十餘年

靳氏周冕妻夫亡無子苦節五十餘年

葛氏蕭鵬妻張氏蕭拱璋妻鵬亡無子葛苦節四十餘年拱璋亡張撫孤守節五十年詔並旌之

成氏李銳妻銳亡守節五十年子潤嘉靖庚子舉人
景氏趙恭妻恭亡年二十三家貧無子苦節四十七年

盧氏楊路妻路亡遺孤鵠年始週歲後爲庠生娶胡

氏尋亦早亡無子鞠苦節養姑以孝謹聞

高氏周智妻智亡子幼週歲氏勤苦養姑以孝聞撫孤成立詔旌之

戈氏張繼志妻繼志亡守節五十年

李氏皇甫約妻約亡氏撫遺子守節五十餘年

宋氏靳平仁妻仁亡宋守節三十年

任氏張登瀛妻任年十六適瀛甫九日夫亡遺子男

尋亦死氏矢志養翁姑扶夫幼弟成立苦節終身

聶氏姚相妻夫亡撫遺孤守節六十餘載

楊氏張繼述妻夫亡撫子國弼成立中隆慶丁卯鄉

試詔旌之